

Te Ine i te Reo

Poumahi 3

Whāia ngā tohutohu nei ki te tuhi i tētahi mahere āwhata o tō kura.

Tuatahi, me tuhi noa i tētahi pikitia ā-manu o ngā whare o tō kura me ngā paetaha. Anō nei kei runga koe i te rangi e tiro iho ana. Tuhia ngā pakitara o ngā whare me ngā paetaha o te kura.

Tuarua, inea te roa o ngā paetaha, ngā pakitara me ngā tāwhitiwhiti o ngā whare. Tuhia atu ngā inenga ki tō pikitia.

Tuhia te mahere o tō kura ki te pepa tukutuku. Me āta whakaaro te āwhata e tika ana kia pai ai te noho o te mahere ki te whārangi. Hei tauira, mēnā ko te 100m te inenga roa rawa o tētahi paetaha o te kura, kia 20cm te roa o taua paetaha ki te mahere. Arā te āwhata $100\text{m} = 20\text{cm}$ (he rite tēnei ki te āwhata $1\text{m} = 2\text{mm}$).